



AQA

CCEA

OCR

Pearson

CBAC

Canllawiau – nodiadau ar drefniadau safle arall ar gyfer blwyddyn academiaidd 2025/26

DS Nid yw defnyddio safle arall yn drefniant y mae angen ei gymeradwyo ymlaen llaw. Mae angen llenwi'r ffurflen ar-lein er mwyn hysbysu Gwasanaeth Arolygu Canolfannau'r CGC y bydd y ganolfan yn cynnal arholiadau oddi wrth y cyfeiriad cofrestredig. Pan fydd y ffurflen wedi'i chyflwyno, **nid oes** angen cysylltu â Gwasanaeth Arolygu Canolfannau'r CGC i gael cadarnhad bod y trefniant wedi'i gymeradwyo.

Yn ychwanegol i'r canllawiau hyn **rhaid** i ganolfannau hefyd gyfeirio at gyhoeddiad y CGC *Cyfarwyddiadau ar gynnal arholiadau*: https://www.cbac.co.uk/home/gweinyddu/dogfennau-cgc/#tab_0

1. **Rhaid ond** defnyddio'r ffurflen hon ar gyfer arholiadau ysgrifenedig wedi'u hamserlennu yn y cymwysterau canlynol:
 - AEA
 - Cymwysterau Cyffredinol Cymhwysol AQA
 - AQA Tystysgrif Lefel 2 Mathemateg Bellach
 - AQA Tystysgrif Lefel 3 Astudiaethau Mathemategol
 - Cymwysterau BTEC (Cymwysterau Cyntaf BTEC, Cymwysterau Cenedlaethol BTEC a Dyfarniadau Tech BTEC)
 - Cymwysterau Cenedlaethol Uwch Caergrawnt
 - Cymwysterau Cenedlaethol Caergrawnt
 - Cymwysterau Technegol Caergrawnt
 - Dyfarniadau Edexcel
 - TGAU Rhyngwladol Edexcel
 - TLM
 - FSMQ
 - TAG
 - TGAU
 - Tystysgrifau Lefel 3 OCR
 - CBAC Lefel 1 a Lefel 2 Cymwysterau Cyffredinol
 - CBAC Lefel 1 a Lefel 2 Dyfarniadau a Thystysgrifau Galwedigaethol
 - CBAC Lefel 1 a Lefel 2 Dyfarniadau Galwedigaethol (Dyfarniadau Technegol)
 - CBAC Lefel 3 Tystysgrifau, Diplomâu a Thystysgrifau Estynedig Cymhwysol (yn cynnwys Cymwysterau Academiaidd Amgen)

Cysylltwch â'r corff dyfarnu perthnasol am arweiniad ar unrhyw gymwysterau eraill.

Defnyddir y Porth Gweinyddu Canolfannau (PAC) i gyflwyno ar-lein. Gellir cyrchu'r Porth Gweinyddu Canolfannau gan ddefnyddio unrhyw un o safleoedd allrwyd diogel y cyrff dyfarnu.

2. **Ni ddylid** cyflwyno cais ar-lein ar gyfer:

- unedau asesiad dan reolaeth TGAU
- unedau gwaith cwrs TAG
- cydrannau asesiadau di-arholiad TAG/TGAU
- asesiadau Siarad ITM
- asesiadau ymarferol.

Os oes angen safle arall ar gyfer asesiad sydd heb ei amserlennu, **rhaid** i ganolfannau gysylltu â'r corff dyfarnu am arweiniad.

3. **Dylid ond** defnyddio cyflwyniad ar-lein pan mae canolfan yn bwriadu cynnal arholiad ar gyfer unrhyw ymgeiswyr ar safle arall heblaw am gyfeiriad cofrestredig y ganolfan (gweler dogfen y CGC *Cyfarwyddiadau ar gynnal arholiadau*).

4. Rhaid dewis pob arholiad os gwneir cyflwyniad ar-lein i ymgeisydd unigol neu grŵp o ymgeiswyr i sefyll arholiadau mewn safle arall. **Ni ddylid** dewis y categori 'cynhelir pob arholiad ysgrifenedig wedi'i amserlennu ar gyfer y gyfres gyfan mewn lleoliad arall' ar gyfer ymgeisydd unigol na grŵp o ymgeiswyr. Dim ond yn achos carfan gyfan y dylid dewis y categori hwn.

5. **Nid yw** trefniadau safle arall yn berthnasol i drefniadau ymgeisydd sydd wedi'i drosglwyddo.

6. **Rhaid** trafod unrhyw ymholiadau am addasrwydd y safle arfaethedig â Gwasanaeth Arolygu Canolfannau'r CGC cyn cwblhau'r ffurflen ar-lein.

7. **Rhaid** cadw papurau cwestiynau a deunyddiau arholiadau o dan amodau diogel yng nghyfeiriad cofrestredig y ganolfan tan **90 munud cyn amser dechrau swyddogol y corff dyfarnu ar gyfer yr arholiad**.

Dim ond o fewn 60 munud i amser dechrau swyddogol y corff dyfarnu ar gyfer yr arholiad y gellir lawrlwytho copi PDF o'r papur cwestiynau safonol o safle allrwyd diogel y corff dyfarnu.

Yna, bydd aelod o staff y ganolfan yn mynd â'r papur(au) cwestiynau i leoliad yr arholiad. Gall goruchwyliwyr a benodwyd gan y ganolfan wneud hyn. Mae'n bosibl defnyddio tacsî i fynd â'r papur(au) cwestiynau i'r safle arall, ond **rhaid** i aelod o staff y ganolfan fod yn bresennol.

8. **Cyfrifoldeb y ganolfan yw sicrhau bod y papurau cwestiynau a deunyddiau arholiadau yn cael eu pecynnu'n ddiogel a'u cludo'n ddiogel o fewn 90 munud i amser dechrau swyddogol y corff dyfarnu ar gyfer yr arholiad.**

9. **Ni ddylid** cludo deunydd cyn diwrnod yr arholiad **ar unrhyw gyfrif**.

10. Y ganolfan gofrestru sy'n gyfrifol am oruchwylio'r arholiad(au), gan sicrhau bod yr arholiad(au) yn cael eu cynnal yn unol â dogfen y CGC *Cyfarwyddiadau ar gynnal arholiadau*. Mae hyn yn cynnwys arddangos y posteri perthnasol a chyhoeddiad y goruchwyliwr yn ogystal.

11. **Rhaid** cludo'r sgriptiau'n ddiogel i'r ganolfan gofrestru ar ôl eu cwblhau. **Rhaid** pecynnu sgriptiau yn yr un drefn ag y mae'r ymgeiswyr yn ymddangos ar y gofrestr presenoldeb cyn eu hanfon.

Rhaid anfon y sgriptiau a'r cofrestr presenoldeb cysylltiedig i'r cyfeiriad a ddarperir heb oedi ar yr un diwrnod â'r arholiad pryd bynnag y bo hynny'n bosibl. **Ni** ddylid eu hanfon yn hwyrach na'r diwrnod gwaith nesaf.

Rhaid cadw'r sgriptiau yn ystafell ddiogel y ganolfan os bydd rhaid i chi eu cadw yn y ganolfan dros nos.

Rhaid cyflwyno ar-lein yr hysbysiad o'r bwriad i gynnal arholiadau mewn safle arall yn ddim hwyrach na chwe wythnos cyn dechrau'r gyfres arholiadau.

Fodd bynnag, os yw'r hysbysiad i ymgeisydd sefyll arholiad gartref neu yn yr ysbyty oherwydd cyflwr meddygol, efallai na fydd yn bosibl cyflwyno'r wybodaeth chwe wythnos ymlaen llaw. Dylid gwneud cyflwyniad hwyr cyn gynted ag y byddwch yn gwybod y manylion.

Nid oes angen tystiolaeth feddygol i ganiatáu i ymgeisydd sefyll ei arholiadau gartref neu mewn ysbyty.

Os yw'r ganolfan wedyn yn nodi nad oes angen y trefniant safle arall mwyach, yna dylid ei dynnu'n ôl ar-lein gan ddefnyddio'r Porth Gweinyddu Canolfannau.

Cyngor:

Canolfannau yn Lloegr a'r Alban:

e-bost: [jqcinspectionsservice@aqg.org.uk](mailto:jcqinspectionsservice@aqg.org.uk)

Ffôn: 01483 556 271

Canolfannau yng Nghymru

e-bost: [jqcinspectionsservice@wjec.co.uk](mailto:jcqinspectionsservice@wjec.co.uk)

Ffôn: 02920 265 077

Canolfannau yng Ngogledd Iwerddon

e-bost: centresupport@ccea.org.uk

Ffôn: 028 9026 1293